

Na osnovu čl. 2.2 i 2.12. stav (5) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. Uputstva o utvrđivanju kvalifikacija, broja, imenovanju i razrješenju članova izborne komisije osnovne izborne jedinice u Bosni i Hercegovini - Prečišćeni tekst ("Službeni glasnik BiH", br. 29/18 i 36/19) i člana 55. Statuta Općine Ilijaš - Prečišćeni tekst ("Službene novine Kantona Sarajevo", br. 20/09 i 46/18), Općinsko vijeće Ilijaš na 6. sjednici, održanoj dana 27.05.2021. godine, donijelo je

JAVNI OGLAS za imenovanje 1 (jednog) člana Općinske izborne komisije Ilijaš

I

Općinsko vijeće Ilijaš raspisuje javni oglas za imenovanje 1 (jednog) člana Općinske izborne komisije Ilijaš.

II

Mandat člana Općinske izborne komisije Ilijaš traje (7) sedam godina i teče od dana davanja saglasnosti Centralne izborne komisije Bosne i Hercegovine, na odluku o imenovanju člana izborne komisije donesenu od strane Općinskog vijeća Ilijaš.

III

Sastav Općinske izborne komisije treba biti multietički, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

Sastav općinske izborne komisije treba, u pravilu, održavati ravnopravnu zastupljenost spolova, u skladu sa Zakonom o ravnopravnosti spolova BiH.

IV

Kandidat za člana Općinske izborne komisije Ilijaš moraju ispunjavati slijedeće opće uslove:

- Član Općinske izborne komisije je lice s pravom glasa;
- Član Općinske izborne komisije je lice s odgovarajućom stručnošću i iskustvom u provođenju izbora.

V

Pored općih uslova iz tačke IV ovog Javnog oglasa kandidat za člana Općinske izborne komisije Ilijaš mora ispunjavati i posebne uslove:

- da ima prebivalište na općini Ilijaš;
- da ima završen fakultet VII/1 stepen stručne spreme ili završen fakultet Bolonjskog sistema studiranja sa najmanje 180 ECTS;
- da ima završenu višu školu, odnosno VI stepen stručne spreme ukoliko je potrebno ispoštovati odredbe člana 2.14. stav (1) Izbornog zakona BiH, ili ukoliko nema kandidata koji ispunjavaju uslove propisane odredbom stava (2) tačka b. Uputstva;
- da posjeduje iskustvo u provođenju izbora:
 - a) članstvo u izbornoj komisiji;
 - b) članstvo u biračkom odboru na izborima obuhvaćenim Izbornim zakonom BiH.

VI

Član izborne komisije može biti lice sa prebivalištem iz druge općine, ukoliko nema

kandidata, sa prebivalištem u općini Ilijaš, koji ispunjavaju uslove tražene Javnim oglasom.

Član Općinske izborne komisije može biti osoba koja ima završen Pravni fakultet, odnosno VII/I stručne spreme ili završen Pravni fakultet Bolonjskog sistema studiranja sa najmanje 180 ECTS bodova, bez posjedovanja iskustva u provođenju izbora.

VII

"Za člana Općinske izborne komisije po članu 2. tačka 3. Izbornog zakona BiH: NE MOŽE biti imenovana osoba:

1. koja se ne može kandidovati u smislu odredbi člana 1.6.; 1.7. i 1.7.a. Izbornog zakona BiH;
2. koja je član najvišeg izvršno-političkog organa političke stranke ili koalicije (predsjednik, podpredsjednik, generalni sekretar, sekretar ili član izvršnog odbora ili glavnog odbora);
3. koja je nosilac izbornog mandata ili je član izvršnog organa vlasti, osim u slučajevima predviđenim članom 2.12. tačka 4. ovog Zakona;
4. koja je kandidat za izbore za bilo koji nivo vlasti i
5. kojoj je izrečena kazna za težu povredu Izbornog zakona ili propisa za koji je lično odgovorna, u posljednje četiri godine računajući od dana pravosnažnosti Odluke".

"Član Općinske izborne komisije po članu 2.12. tačka 7. Izbornog zakona BiH: NE MOŽE biti zastupnik, odnosno punomoćnik političkog subjekta, koji učestvuje na izborima ili osoba koja je pravomoćnom sudskom presudom osuđena na kaznu zatvora u trajanju od šest mjeseci ili duže".

VIII

Uz prijavu na Javni oglas potrebno je dostaviti slijedeću dokumentaciju:

1. kraća biografija sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi);
2. ovjerena fotokopija diplome o stečenoj stručnoj spremi;
3. fotokopija lične karte i obrazac PBA-3 (dokaz o prebivalištu izdat od strane CIPS-a, ne starije od tri mjeseca od dana izdavanja nadležnog organa);
4. dokaz o izbornom iskustvu za kandidata.

Pod iskustvom u provođenju izbora podrazumijeva se članstvo u izbornoj komisiji i članstvo u biračkom odboru na izborima obuhvaćenim Izbornim zakonom u BiH. Dokaz mora sadržavati: podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;

5. izjavu o nacionalnom izjašnjenju kandidata sa posljednjeg popisa stanovništva u BiH svojeručno potpisana i ovjerena kod nadležnog organa;
6. izjava o nepostojanju smetnji iz člana 2.3. Izbornog zakona BiH svojeručno potpisana i ovjerena od strane nadležnog organa i
7. izjava o ne postojanju smetnji iz člana 2.12. stav (7) Izbornog zakona BiH.

IX

Općinska izborna komisija:

1. nadgleda i kontroliše rad Centra za birački spisak iz člana 3.8 Izbornog zakona BiH;
2. određuje biračka mjesta na području općine za glasanje na svim nivoima vlasti u Bosni i Hercegovini;
3. provodi postupak imenovanja, imenuje i obučava članove biračkog odbora;
4. brine o sigurnosti i dostavi biračkim odborima izbornog materijala za glasanje na svim

nivoima izbora u Bosni i Hercegovini;

5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH;

6. odgovorna je za uređenje biračkog mjesta i druge tehničke pripreme za izbore;

7. odgovorna je za pravilno brojanje glasačkih listića na biračkim mjestima i u općinskim centrima za brojanje;

8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i

9. obavlja druge poslove u skladu sa zakonom i propisima Centralne izborne komisije BiH.

X

Za provođenje postupka javnog oglasa i utvrđivanje prijedloga kandidata za Općinsko vijeće, zadužena je Komisija za izbor i imenovanja Općinskog vijeća Ilijaš - Konkursna komisija.

XI

Javni oglasa za imenovanje člana Općinske izborne komisije Ilijaš će biti objavljen u dnevnom listu "Oslobođenje", na oglasnoj ploči Općine Ilijaš i na web stranici Općine Ilijaš. Rok za podnošenje prijave na Javni oglas je 8 (osam) dana od dana objavljivanja u dnevnom listu "Oslobođenje".

Po zatvaranju Javnog oglasa, konkursna komisija će izvršiti klasifikaciju kandidata na one koji ispunjavaju uslove tražene Javnim oglasom i na one koji ne ispunjavaju uslove uz obrazloženje.

Sa kandidatima koji ispunjavaju uslove Javnog oglasa, konkursna komisija obavlja intervju, prema prethodno utvrđenim kriterijima, nakon čega vrši bodovanje i sačinjava rang-listu sa redoslijedom kandidata, prema uspjehu (ukupnom broju bodova) postignutom na intervjuu i istu dostavlja Općinskom vijeću.

Nepotpune i ne blagovremene prijave neće biti uzete u razmatranje.

Prijave na Javni oglas, sa potrebnim dokazima o ispunjavanju uslova, dostaviti u zatvorenoj koverti sa naznakom: "JAVNI OGLAS ZA IMENOVANJE 1 (JEDOG) ČLANA OPĆINSKE IZBORNE KOMISIJE ILIJAŠ - NE OTVARAJ" na slijedeću adresu: Općina Ilijaš, Općinsko vijeće, Komisija za izbor i imenovanja, ul.126.Ilijaške brigade broj 6, 71380 Ilijaš, poštom ili lično putem prijemne kancelarije Općine Ilijaš (šalter sala - prijem podnesaka).

Dostaviti:

- Dnevni list "Oslobođenje",
- Oglasna ploča Općine Ilijaš,
- Web stranica Općine Ilijaš i
- a/a.

Broj: 01/1-02-1093-8-1/21
Ilijaš, 27.05.2021. godine



Predsjedavajuća Općinskog vijeća Ilijaš

Alma Omerović, BA nov.